

promocionem sincero diligimus ex affectu, preces nostras primarias fiducialiter duximus porrigendas, devocionem vestram attentius requirentes, quatenus eundem . . ob nostrarum precum primariarum reverenciam in vestrum recipiatis canonicum et confratrem, sibi de prebenda, si qua vacat vel quam primum vacare ceperit, adeo liberaliter provisuri, ut obinde vestris et ecclesie vestre commodis et profectibus favorabilius intendere debeat regia celsitudo — *vel* intendere debeamus — *vel* per amplius intendere nos delectet.

2.

Lud[ovicus] *etc.* venerabili episcopo *etc.* fideli suo dilecto *etc.* — religiosis personis abbati et conventui — abbatisse et conventui — priorisse, magistre et conventui, devotis suis dilectis *etc.* Inclite recordacionis *etc.* — fidelitatem *sive* devocionem attentius requirentes, — *vel* intimo ex affectu — quatenus eidem de beneficio ecclesiastico ad vestram collacionem, donacionem, provisionem seu presentacionem coniunctim vel divisim pertinente, si quid vacat vel quam primum vacare ceperit, pro nostrarum precum primariarum reverencia velitis adeo liberaliter providere, quod proinde *etc.* — vobis pro honesta puella . . *tali* filia, devota nostra dilecta porrigimus fiducialiter primarias preces nostras, devocionem vestram attentius requirentes, quatenus eandem, cuius promocionem sincero diligimus ex affectu, contemplacione precum nostrarum primariarum in vestram et vestri monasterii recipiatis monacham et sororem receptamque caritativis in domino affectibus benignius pertractando¹, ut obinde *etc.* — vobis pro dilecto nobis clerico, cuius promocionem sincere diligimus, qui spretis huius mundi deliciis sub regularis vite observantia in vestro monasterio cupit altissimo famulari, devocionem vestram attentius requirentes, quatenus eundem ob nostrarum precum primariarum reverenciam in vestrum et monasterii vestri recipiatis monachum et confratrem ac ipsum caritativis in domino affectibus pertractetis.

3. Ammonitorie.

Lud[ovicus] *etc.* Licet iam pridem vobis preces nostras primarias direxerimus, ut *talem* in vestrum ac ecclesie vestre reciperetis canonicum et confratrem, vos tamen, ut intelleximus, nondum ad effectum debitum perduxistis. Quapropter vobis iniungimus et mandamus, quatenus de necessitate virtutem facientes pretactas preces nostras, que iuris et approbate consuetudinis tramite fulciuntur, adhuc cum effectum exaudire velitis, sic in eo casu liberaliter acturi, ne quamvis inviti cogamur contra vos stimulos erigere compulsivos.

1) So Handschr. Man erwartet 'pertractetis' wie unten.